


醫酉籍攷

卷五十九六十
方論三十七三十八

武
2
30



武
2
卷 30

九折堂山田
氏圖書之記

岡氏
齊庭

岡氏
圖書

醫籍考卷五十九

東都 丹波元胤紹翁 編

方論 三十七

董氏炳避水集驗方

國史經籍志四卷

未見

四庫全書提要曰避水集驗方四卷明董炳撰炳字文化泗州人是編以常用有驗之方分類裒輯無所闡發其所用之藥有積雪草者本草所未詳特為具其圖形述其功効然藥類至多唯在善用正無取乎搜羅新異自誇秘授也其以避

水名者蓋隆慶丙寅淮水決炳避居構上以成是書末附柳
應聘撰玉鶴翁傳一篇備載炳父相治醫事玉鶴相之自號
故炳又號懷鶴云

王氏永輔惠濟方

醫藏目錄作簡撰袖
珍良方係坊刻改名

國史經籍志八卷

存

顧氏鼎臣

經驗方

國史經籍志一卷

未見

劉氏完

緊要二十四方

國史經籍志一卷

未見

不自秘方

國史經籍志一卷

未見

鄭氏鸞傳信方

國史經籍志八卷

未見

李氏蘭泉

醫說

未見

鄞縣志李奎傳曰有李蘭泉者以醫名世所著醫說未及刊布其後學徐國至今寶藏之

王氏有禮尊生內編

十卷

未見

嘉興府志曰王有禮休寧人嘉興邑庠生本姓沈字三五居鴛鴦湖上精攻黃術善治傷寒有尊生內編十卷葉向高序尊生外編八卷岳元聲序皆行世

尊生外編

八卷

未見

李氏守鈞方書一得

未見

按右見于汜水縣志

劉氏繼芳怪證表裏因

未見

按右見于太平府志

林氏道飛濟世良方

未見

福建通志曰林道飛以名醫著有濟世良方病者投劑立效

尤好施不倦年八十三子孫世其業

姚氏澹風疾必讀

未見

按右見于江南通志

江氏時途醫學原理

三十卷

未見

婺源縣志曰江時途字正甫江灣人幼善病遍閱方書精研奧旨異人談方術了了頓語嗣是投劑輒効有少年病悸親戚咸惴惴危之一劑霍然有起色名著郡邑戶外之履常滿

前後邑令咸見推重舉鄉賓者再著有醫學原理三十卷丹

溪發明五卷醫家爭傳誦焉

丹溪發明

五卷

未見

萬氏拱醫學大成

未見

按右見于湖廣通志

喻氏化鵬醫經翼端

未見

寶慶府志曰喻化鵬字圖南豐城人以精醫遊邵陽其於切
脈望色聽聲察形之妙終夜研究若經生家治病如臨大敵
稍不中肯憂形於色靜夕深思辰起即赴病家調劑不論貧
富不惜重值之料人予之金即以市奇方秘論雅尚氣節能
文詞嘗構一樓藏古書史好與諸名士遊沂著醫經翼尚思
禪師之其卒也友人劉黻菴經理葬於東郭五里碑之右厚
恤其子以歸

徐氏純編元醫案

未見

延平府志曰徐純卿將樂諸生讀書學易窮醫得秘方施藥

活人年八十手不釋卷著有叙元醫案

徐氏應顯醫方積驗

未見

金華府志曰徐應顯字子祐永康人業儒精醫術多所全活
晚年益精歷遊名公卿間貧寒以疾請匍匐救之所著有醫
方積驗歲大疫倡行糜粥有以負賦告者為貸錢焚券人德
之年御史廉其行表其廬曰儒修相業年八十餘卒

彭氏浩雜病正傳

未見

醫性

未見

孫氏槽醫學大成

未見

活命祕訣

未見

吳氏鼎昌醫學彙業

未見

按石五書見于浙江通志

吳氏與古簡方

續文獻通考十二卷

未見

金華府志曰吳與字德章蘭谿人刻志好學博通書史善書
札而允精於醫得何文定公會孫仲畏之傳功力兼人益造
其微其醫最於一邑人多稱之著有古簡方十二卷諸集方
四十餘卷其許號蘭渚漁歌

王氏子英醫案

未見

蘭谿縣志曰王子英號石舟著有醫案係御醫開之裔孫也

賴氏湯銘四科活要

未見

延平府志曰賴湯銘永安庠生痛母歿於庸醫一旦棄舉子業精醫以贖已罪而未能也於是無貧富病者雖百里必視之投劑輒驗郡守鄭祖幾法不起湯銘既治有效且曰調養元氣上策也參本草根斯下耳鄭聞言益加禮焉有四科治要聞醫多祖述之

方氏烟杏村肘後方

未見

按石見于福建通志

潘氏文源方脈纂要

二十卷

未見

婺源縣志曰潘文源字本初桃溪人寬和仁厚言笑不苟望而知為長者少業儒不售去而學醫即精工所投劑輒效每曰求診視者盈門塞巷文源意在施予所藥治者槩不責酬遇貧士且加惠予焉以故懸壺三十餘載人人稱神而家無數畝之蓄沒之日里巷多流涕者所著有方脈纂要二十卷行於世

莊氏履巖醫理發微

未見

江陰縣志曰莊履巖字若暘工醫能詩診治有奇驗活人不

可勝紀著醫理發微習醫者多宗尚之

高氏叔宗 資珍方

未見

江陰縣志曰高叔宗字子正別號石山能詩善書通和扁術著資珍方高賓為序

王氏禹道 惠濟仙方

未見

分水縣志曰王禹道字水巖事繼母以孝聞幼好學弱冠精舉子業以及經史子集無不通貫都人士咸以大器期之中年遭疾遂究心岐黃家言著惠濟仙方諸書遠通稱述不啻

沛相長桑也訓御勇以拒鑛賊功高尉邑侯李深重之都諫何春泉欲以人才薦會疾不果前祭邑使集分水先賢傳首稱焉

汪氏副護 試效集成

未見

休寧縣志曰汪副護字天相城西人少通儒術改業醫師初門汪機尋歷姑蘇京口訪明師遂精醫學祖東垣老人專以扶元氣為主因號培元醫行四十餘年全活甚衆平生樂善好施四城通道泣建亭憇行者兼修遠近廟宇悉出賣藥金著有試效集成暨諸醫書行世

胡氏尚禮醫案

未見

按右見于儀真縣志

孫氏銳試効集成書

未見

錢塘縣志曰孫銳字公銳遇異人授却老方九十童顏醫傾海內所著有試効集成書按脈用藥足齊古人又有皇甫泰者與之齊名稱孫皇云

王氏君賞醫便

二卷

張受孔刊本四卷

存

自序曰余遊京師時獲茲集檢其方甚約諦試之輒驗因益以續收諸條更裁定焉稍稍蓄治藥材無論疾久近循方分劑罔不克臻奇功嗣是出按晉及再承關陝于時從役者人以十數歲月既賒得無有虞採薪然雖傳舍中法嚴內外醫不可得延而入也獨賴是以濟取左右如叩夫醫弗煩而藥足方弗繁而用備名之曰醫便既事竣將言復諸從役求甚殷苦無餘本錄則衆弗給政或給焉示亦弗廣也舉而寄之太守太守曰歲有廢版可更遂以命梓人隆慶己巳重陽日巡按陝西監察御史王君實識

按萬曆壬寅吳秀序曰震澤沈竹亭與齡所錄也蘇州府志又曰沈與齡號竹亭吳江人工醫能決生死著醫便行世然據徐應登序稱按是編為王侍御公按秦時所輯則知其出君賞矣

吳氏秀增補醫便續集

四卷

張堂孔刊本六卷

存

自序畧曰余家舊用醫便集益之得竹亭先生云迄今三十年索者猶踵至武林因之有二刻托為御院本繼又見茗中刻補遺則歸之朱濟川黃文洲兩人西人固良醫也所采集

當不謬余合兩書刪訂之補以已試方用續先刻世有不能致醫藥與能致而付之庸工之手者覽此庶有瘳乎

曹氏金傳信尤易方

八卷

存

栗永祿序畧曰夷門少川右使曹公素留神軒岐內經靈樞諸篇尤遂于仲景叙和丹溪等諸部經方故自登仕來敷歷淮揚齊魯會稽間所過名勝即登眺移日值羽士緇流輒改顏款接叩底裏但奇藥單方可采隨便割記付行箚以隨壘二十餘襍方積笥盈奚啻萬計茲轄政少暇悉所積校理之

辨証分門，犁然備具。稍方品重複，詭異不經者，盡為刪芟。迺得八卷，中有證類相類，則附註本門。有間出各方，則明註方後。較諸種更為積當簡便。且經試多奇驗。遂題曰傳信尤易方。一展卷，門類區別，藥品弗淆，治療法備。雖窮鄉下邑，人得此，隨證檢方，隨方製藥，隨藥醫證，不出戶庭，效可立觀。醫可勿他覓也。

自序畧曰：余聞之，尺有所短，寸有所長，確哉其言之也。蓋余少膺脾病，召一方時，所謂名能療者，乃百弗一。切為會客，有授余啖蠶寶者，非有所診候而審辨也。輒一再月，而彊食倍他日。歸此觀之，世嘗言海上方，能愈劇疾，不虛哉。不虛哉。余既

以日履和豫，叨役四方，所過名勝，羽客衲子，時問所素。善易方，歲久累數，遂問發治所主病，屢屢稱捷效。隆慶改元，余起使易水，命醫官鄭鸞比類，哀集曰：謹哉方乎。傳之海上人，而實散見諸名家所載，藉者也。余更使明著所自出，而頗厭其繁複。後二年，余再携入秦，秦涇陽醫士王玘檢校，刑正釐八卷，錄成。適左使上黨健齋宋公雅抱博濟之猷，間取而觀之曰：夫在物有之，運規而索，罔有弗罔焉。我知其不為方也。操矩以求方，有弗方焉。我知其不為罔也。以余讀若方，殆醫之規矩，非與吾為若梓，以博民壽何如。余曰：公之意，信大厚矣。吾志也。于是卒刻而名之曰傳信尤易方。蓋古有衛生千金救

民備急易方而是方不伐物命品取諸任上所宜無煩雷公
操炮隱居辨治而又嘗試多奇應故云時隆慶歲在庚午春
正月上九日賜進士出身通奉大夫陝西等處承宣布政使
司右布政使袁門曹金書

何氏 古朴醫家蘊奧

四卷

存

章秩曰古朴先生餘杭縣北住進賢里幼穎悟讀書詩隱
居獨善博覽諸書尤精醫學所集有怡真正術求嗣秘要草
堂吟料珠璣類萃星命關鍵等書

怡真正術

未見

楊氏 快醫方摘要

十二卷

存

龔氏 信古今醫鑑

八卷

存

自序曰余幼業儒讀張子西銘天下疲癯殘疾皆吾無告兄
弟韓子原道為之醫藥以濟其大死深嘆二公之言民胞物

與之心也。然膺厥任，惟宰相上佐天子，調燮陰陽，節宣元氣，庶足起疲癯而壽國脈。余誦之，直欲于身親見之，殊庸劣，尊
銳為時所厄。會家君起家醫學，竭來燕豫，嚮應中原醫之正
傳，已有所得。余因省焉，遂棄儒就學。紹岐黃倉越之心，傳闡
劉張朱李之秘訣。于當時雲遊高士，有裨醫教者，尤竭誠晉
謁。與之上下其議論，遠宗先哲，近取名公。殫精竭神，磨光刮
垢，與家君相為淵源。蓋有年矣。每視疾，則先診以脈息，次察
其病原，而攻治之法，方藥之製，又酌其脈病而投之。執是以
往，影響不殊。既而以脈病治方，分門別類，以古今之確論
為樞要，間亦竊附己意，參互考訂，遺者補之，略者詳之。纂輯

成帙，醫有十三科，此其粗備。釐為八卷，名以古今醫鑑。夫醫
意也，何取於鑑？鑑惟空，而後無遺。照醫必明，而後無遺疾。是
書上考諸古，古之明驗者取之；下質諸今，今之明驗者取之。
隱伏沈痼，罔不洞察。與鑑之照物，妍媸不夾，有相類者，此之
謂醫鑑。此余命名意也。藁甫成，不敢自秘，爰付諸梓。以公諸
天下。後世俾醫有小補，病有拯援，視醫國良相，固小大不同。
而疲癯可起，大死可蘇，亦宛乎韓張二公之用心也。余不佞
言之無文，聊述成書之槩於篇端。其訂訛正誤，尚有缺於後
之君子。昔萬曆四年歲次丙子孟冬之吉，金谿後學龔廷
賢書于有恒堂。

金谿縣志曰龔信十一都下澌里人任太醫院著古今醫鑑併雲林醫教子廷賢著萬病回春

周氏禮醫聖階梯

十卷

存

自序曰醫者仁術也厥理邃奧惟儒為能通之自黃岐開其源和扁弘其流張王朱李數君子揚其闡而醫道始大者矣先君菊潭翁甫以醫鳴也載諸郡志足徵也嘗謂禮曰醫僅足以濟一方汝其求之孔孟以大其施予爰命業儒補郡庠弟子負屢試弗捷貢大學生受臨清州倅奈世方以資格待

仕進而禮又素性弗克脂韋于時仕甫三載即謝政歸因思先正有云不用於時則當為明醫以濟世乃因究心醫業博觀前輩遺書汗牛充棟言各有長然紛紜浩漫靡有歸一苟非神而明之者莫窺其涯是以庸醫貿貿未免執一廢百而以藥試病其為仁術之累多矣一禮如侍先君頗知梗概既而銳意鑽研殫心窮究乃克會通諸家之說撮其樞要析其淆亂間附己意以成全書凡十卷先審病以定名次原病以著論論確而後察脈脈明而後處方湯液凡散用各有宜編訖題曰醫聖階梯大神聖工巧醫之等級也然必由易簡而後極至可臻志于醫學者苟能于是書而尋繹焉則向往不迷

而神聖之域不于此而可漸躋乎於戲凡厥有生受形天地
五方之水土不齊七情之感人亦異安得滯于聞見之偏而
不知變通之妙哉是集也合之盡其大析之極其精展玩之
間庶幾候易而病機可識體認真而療理無艱矣書既成不
敢自私因鈔梓以廣惠于四方云萬曆元年春正月既望徵
仕郎臨清州判官歸安半山周禮序

徐氏涉親驗簡便方

醫藏目錄一卷

存

自序畧曰予自弱冠既念貧民昧於醫藥淪于大死故每留

心體察諸醫暨諸士大夫語及凡已試而簡便者悉令人筆
識之意在鈔行而冗累未果今寓留都稍暇又得太醫院醫
官江陰趙文育氏爲予分類繕寫足成一編雖其所具未若
他書之多然皆非道聽途說言之無據亦非待醫家臨病斟
酌煩厥心刀者也但本意主於便物不止專濟其生故於服
食物用之凡從宜料理之法少有裨於斯民日用者亦輒類
附於後焉仍慮其罔知文義爰爲之詞咸近方俗卽醫家語
亦不全採要在使之易曉而已觀者幸勿以爲淺近而忽之

羅浮山人萊竹堂集驗方

六卷

存

姚氏思仁

業竹堂醫方考

未見

宋彛尊姚氏族譜序曰萬曆初光祿大夫柱國太子太傅工部書善長公登先文恪公榜後年七十餘致政歸里居樂善好施病者給以藥寒者給以衣死者給以棺槨今所傳業竹堂醫方皆公手自抄

按是書見于浙江通志引嘉禾徵獻錄姚思仁當是善長公而豈與羅淳山人集驗方為一書否附以俟考

解氏楨醫學便覽

醫藏目錄四卷

存

張氏

四維

醫門秘旨

十五卷

存

曰古皖張子諱四維字國本別號筠亭乃聽選官也醫名於世諸上司獎之以扁額士大夫贈之以詩文

錢氏后崖宦邸便方

三卷

存

吳氏嘉言醫經會元

十卷

存

自序曰夫醫藥方書乃拯病資生之軌也惟按以理氣詳於治法卓有效驗者為難得近代所出之書有詳於論說者不備乎方繫乎方藥者不精於擇文言行義者無體用之約捷徑處治者缺是非之辨及諸家註述無一本之斷有五志皆為火論者有言溫能除大熱者有竟以吐汗下去病為要者有言治病必求其本為法者經言邪之所湊其氣必虛人有言傷寒及諸氣諸痛無補法故業此者有多歧之嘆閱方者

懷猶豫之惑予承家傳原諸病所感必由乘虛而入以為主論證有名用藥有據當別三因所致為綱領臨證有條評色脈逆順虛實為權衡故曰藥不執方合宜而用醫無定體應變而施原乎古方撰集於淳朴之時傳流於渝薄之漸病名雖同而治法互異吁惟儒有孔孟之刑定程朱之發明一所以道統之傳昭如日星况乎醫道精微又乏明哲闡揚踵訛襲誤苟非究心素難之奧博採諸家之長安於膚略其不蹈於實實虛虛之弊者蓋鮮矣然亘古今而不變者理也苟能精造乎至理則如聽訟明刑之有法度縱民偽日繁不越乎條律人病百出豈外乎方法哉予雖不敏謂司命之任匪輕雖

藉家傳益自砥礪藥餌鍼灸屢投輒効縉紳諸公謬許為當
世明醫每自媿為適已卯歲冬留都大司馬凌病脾胃延予
調理因索予家經驗秘方捐俸梓行以廣其傳為醫道指掌
也予辭不獲已謹以脈訣發明者正有定論藥性繁雜者刑
有切要衛生有本設心脾胃腎主方於篇首以備通用察病有
機列運氣標本等論於卷末以啓後學削訛辟舛發古通今
集成十卷名曰醫經會元或可利濟于無窮期不負至仁盛
心而已今際聖君賢相法三代之仁以臻雍熙之治詔取
天下明醫以廣好生之術余齒七十有四自揣不能應召護
以是書奉凌公命而遂梓為萬曆庚辰歲孟春上浣之吉原

太醫院醫官浙嚴分水梅坡吳嘉言撰
醫學統宗

未見

按右見于嚴州府志

龔氏廷賢種杏仙方

醫藏目錄四卷

存

自序曰醫稱王霸殊翹古辨之若魚日夜光砥礪連城然不
爽也顧霸之効也詭駁之宜而王謂易簡曷以也醫惡是類
乎余自醫亂廣篋裘業從家大人醫寓中家大人輒以霸禁

比長客壺京津稍見俞諸大方若將定西京使相劉秋堂諸
老僉以王道醫交口稱矣余竊自信廼取家大人所傳方書
而續其餘成醫鑑一帙鍥之以便世用第方多萃味而寡人
避地或構之難誠杏林遺春也廼復竊父志括俚言切病情
選方擇味類以一二易致者動療鉅病見者奇之命曰種杏
仙方俾家易辨人易曉而避陬胥靡咸在杏蔭中矣第恐出
奇吐秘見者以霸術目距知王之易簡正坐此矣醫之夜光
之珠矣必徑寸連城之璧矣必拱把魚目砥礪寧得而亂之
乎書成辱名輩序諸首帙余故吐所懷以自白云萬曆九年
歲次辛巳孟秋吉金谿雲林山人龔廷賢書

何出圖序畧曰龔氏子才操岐黃之秘而鳴諸豫魯佐而翁
著醫鑑行於世矣為浩博而旨奧構材備難致也廼更擇易
簡投單品輒効者為四帙又不為艱深語即窮陬蠻人讀易
解能卒然辨醫之阮瑟嵇琴一脫囊自成韻調又可以名家
也予才名廷賢號雲林江西金谿人

萬病回春

八卷

存

雲林神效

四卷

存

曾府禁方

醫藏目錄四卷

存

醫學準繩

醫藏目錄四卷

未見

壽世保元

十卷

存

濟世全書

醫藏目錄八卷

存

雲林醫聖普渡慈航

八卷

存

繆氏存濟識病捷法

醫藏目錄十卷

存

余氏應奎醫學源流肯綮大成

十六卷

存

吳氏崑醫方考

醫藏目錄六卷

存

自序曰上醫治未病方無尚也。至經論為經論醫之奧也。中醫治已病於是乎始有方。方醫之祖也。非其得已視斯民之疾苦。故因病以立方耳。季世人知醫尚矣。習方其簡也。窮經其煩也。乃率以方授受。而求經論者無之。舍斯道之奧。寶斯道之粗。安望其術之神良也。余年十五志醫術。逮今十有八稔。

懼辱醫名。蚤夜遑遑。惟經論是蒐。不敢自是。遊海內者數年。就有道者。而贊謂之。見賤工什九。良工什一。不惟上古之經論。昧焉。雖中古之方。猶弗達也。弗明方之旨。與方之證。及諸藥。升降浮沈。寒熱溫平。良毒之性。與夫宜通補瀉。輕重滑澀。燥濕。反正類從之理。而徒執方以療病。惡能保其不殃人乎。廼為之愍惻。取古昔良醫之方七百餘首。揆之於經。酌以心見。證之於證。發其微義。編為六卷。題之端曰醫方考。蓋以考其方。藥考其見證。考其名義。考其事迹。考其變通。考其得失。考其所以然之故。匪徒苟然誌方而已。君子曰。夫夫也。弱齡謫陋。輕議古人。則崑有罪焉。爾世有覺者。觸目而疵之。從而可。

不吾之吾幸吾之得師也。遊藝者玩索而惜，而左右之吾幸吾之明典也。如山野之阻，湖海之遠，求良醫而不速得，開卷檢方，能究愚論而斟酌自藥焉，則吾濟人之一念也。或者尚論千古，末張孫而本軒岐，旁群方而優經論，則孟軻氏所謂遊于聖人之門者，難為言矣。安用夫斯籍之贅也。皇明萬曆十二年歲次甲申孟冬月古歙吳崐序。

十三科證治

未見

參黃論

未見

按右見于亡名氏鶴皋山人傳

亡名氏類纂名醫要旨醫源會海

二卷

存

吳氏勉學師古齋彙聚簡便單方

七卷

存

醫籍考卷五十九

醫籍考卷六十

東都 丹波元胤紹翁編

方論 三十八

馮氏時可上池雜說

一卷

未見

四庫全書提要曰上池雜說一卷明馮時可撰雜論醫學之書大意生於溫補伸東垣而抑丹溪亦偏於一隅之見者也

黃氏河醫學蒐精

二卷

存

楊氏四知惠民正方

一卷

存

自序曰閩廣之間有蠱毒為世說久矣萬曆甲申余觀風于閩慨然冀除斯害申律令專治法誠諸頑疏斯于勝殘且慮專弗廣久之湮也乃博集蠱毒諸方刻諸簡惠厥民焉刻成或問余曰君執三尺法以擊姦疏不能使民無蠱乃屑屑于方伎末矣余曰不然夫春陽煦物而不遍于幽谷迅雷能震惡而或遺于細事化工且然矧執法者哉譬之禦虜大將提兵

振旅汎掃妖氛而閩閩老稚執挺箠挾弓弩家防戶衛不猶愈于徒手乎止疏禁姦法余易敢弛而廣專諸方固令民以自防也或又謂蠱妖叵測燭之無形驅之不去奈何余哂之曰不然曷黎之驅鱷魚原魯之擊神蛇蝗不入境虎北渡河昔人豈異于人哉亦誠實政格之云耳是在良有司圖之今將考焉萬曆甲申仲冬吉日賜進士第文林郎巡按福建奉勅兼管鹽法清軍陝西道監察御史大梁楊四知撰

張氏三錫醫學六要

醫藏目錄二十卷

存

張三錫曰夫醫上自炎黃秦漢下迄唐宋遼金元其書汗牛
充棟不爲不多第純駁不同繁則嫌其泛雜簡又失之缺畧
且義例乖違篇章逆繆遵行不易披會亦難錫家世業醫致
志三十餘年僅得古人治病大法有八曰陰曰陽曰表曰裏
曰寒曰熱曰虛曰實而氣血痰火盡該於中醫學大旨有六
曰診法曰經絡曰病機曰藥性曰治法曰運氣蓋診法不明
安知病情故首刻四診法經絡不分安知病根病機不察安
知傳變故次經絡考次病機部藥性不熟何以處方細目雖
備切要惟繁故次本草選治病無法何以取効且不知天地
陰陽五行生化之源何以明經故次治法彙次運氣畧匪敢

妄附已見實博採群書各萃其要焉耳即間効一得亦已試
之良規不刊之大法也其言詳而盡其法簡而易學者誠一
究心焉則診法諸矣經絡分矣而病機而本草則又精其察
矣施治有方運氣默會則又體生化之理而隨投隨應矣有
不一一中的而登軒政廬扁之堂奧者乎雖曰六要實爲醫
學之全書具目者當自得之

張維藩等序曰嗟呼先大父諱三錫字叔承別號嗣泉遊神杏
圃國繫留都醫林望者率三十年而今奄棄三世潘等不能親
承提命所可幸者潛窺義黃蘊奧勒成一帙其名曰醫學六
要凡我同志靡不朝吟而夕誦焉惜子罹天之變火其版燼

其半至今抱遺恨焉。賴有朱君號敬橋者，出所藏書付之。劉氏補殘缺，訂訛譌，而依然復行矣。是集也。於先人遺編，用是闡明而紹繹之，而亦可補於後學之指南云。

四庫全書提要曰：醫學六要十九卷，明張三錫撰。三錫字叔承，應天人。是編成於萬曆乙酉，以醫學大端有六，分別論列。首四診法一卷，次經絡考一卷，次病機部二卷，次本草選六卷，次治法彙八卷，次運氣畧二卷。自謂博採群書，各彙其要。然雜錄舊文，無所折衷。王肯堂叙以神聖稱之過矣。

許氏兆禎醫鏡

醫藏目錄二卷

存

吳秀序畧曰：嘗觀許氏鳴醫，自巢由而下，漢有許定，晉有許遜，隋有許智藏，唐有許孝崇，許胤宗，宋有許叔微，許洪，皆能深造醫閩，而著書立言，師表萬世者也。許君培元，學躋董賈，文偏司韓，而所以求益者，毋論江之左右，雖薄海內外，未始不為之屈一指也。余嘗器其才，而勸之應試，迺有感而曰：富貴有命，不可強也。與其登庸於仕籍，而危見忌于同朝，若紹承醫術，以躋斯人於仁壽之域哉。遂取家傳的本及歷代以來方書，細研潛玩，三為裘葛，而工其術。故上自王侯大臣，下至里井閭術，凡有患者，治其七劑，經其療理，煥然如赫日之

聞

消凍灑然如輒熟之濯清顏以慈仁為念未嘗要謝故澤被
生靈名驚昭代而且古醫流所罕覩焉者也復自念曰醫之
道大矣古人之言亦夥矣苟不及之以約而識之以籍則使
後之業者將何取衷哉於是博采諸家審脈論證辨名定經
微妙之語與夫用藥君臣佐使寒熱溫平緩急之方備著於
書曰診翼曰醫辯曰藥徑曰素問評林曰醫家四書曰傷寒
解惑曰女科要論曰衍嗣寶訓曰痘疹筆議曰外科集驗盛
行於世矣尤思其難於記誦故復出家藏秘訣編成詩括以
便之余閱之累日見其旨遠而理明言簡而意盡雖中醫執
此施治可以奏効如病者知之亦不為庸醫所誤真醫家之

鏡鑑而深幸是編不可少也遂名之曰醫鏡以溥其傳凡有
志於此者果能熟而通之不圖經而百草吾嘗矣不素難而
岐扁其再生矣不長沙而傷寒昭融宣明矣不守真而熟證
光明洞達矣不明之而內外傷吾辨矣不彥倫而大成吾集
矣若登雲臺而識璇璣之要訣則天文可答入武庫而得
門鑰之要樞則器具畢舉所謂捷徑一通不得騏驎而千里
可適者信然矣

醫辨

未見

方紀

二卷

存

朱國禎序畧曰許培元先生初習舉子業甚工棄去閉戶讀書而特究於醫董祠部故貴簡欲先致不可得於是溥之人咸重之培元即隱然感時多慷慨語其

等篇則諸名公為序而特以方紀托序平涵方紀先病機次凡例次主治虛實次經引各證而參約以韻語語又錯出賦儒長短古近之間班班如也

萬氏全保命歌括

明志三十五卷

存

朱氏東山立命元龜

醫藏目錄七卷

未見

徐氏敬弦醫家彙論

醫藏目錄二卷

未見

萬氏闕名集驗良方

醫藏目錄一卷

未見

卞氏石帆無倦齋衛生良方

醫藏目錄四卷

未見

杜氏大章醫經纂萃

醫藏目錄二卷

未見

劉氏全德鉤玄秘集

醫藏目錄一卷

未見

劉氏名醫學拾遺

醫藏目錄卷闕

未見

王氏宗顯醫方捷徑

醫藏目錄二卷

未見

盛氏後湖行囊備用方

醫藏目錄一卷

未見

蔡氏三谷家寶醫方

醫藏目錄二卷

未見

丙氏經杏花生春

醫藏目錄八卷

未見

胡氏一龍青囊至秘

醫藏目錄十二卷

未見

楊氏傑醫論解

醫藏目錄一卷

未見

何氏東文醫學統宗

醫藏目錄八卷

未見

蕭氏昂醫萃

醫藏目錄一卷

未見

亡名氏病機治要

醫藏目錄卷闕

未見

紅爐點雪

醫藏目錄卷闕註曰一百三十二論

未見

醫經戶庭

醫藏目錄卷闕

未見

兩浙世醫秘方

醫藏目錄卷闕

未見

陶氏闕名遺方家秘

醫藏目錄一卷

未見

李氏樓怪證奇方

二卷

存

金氏塗珂明醫醫鑿

未見

錢塘縣志曰金塗珂字潤寰仁山先生後裔也塗珂少有神童之目比長遵母命業醫雖讀書萬卷不拾糟粕極雖險證從容處之嘗云古之名醫者曰和曰緩曰倉遽矣為耶無富貴貧賤悉以平等心治之若鰥寡孤獨不惟不取值輒有貽

贈抗城內外所全活者不啻億萬人著有明醫醫整外科精
微體仁編紀科慈幼錄諸書

體仁編

未見

金君甲之生雅

未見

陳仁錫序畧曰膠城中之金君負高俗之志具濟世之腸初
工括帖既不得志乃棄章句而攻于醫參研之久集成生雅
編發明歲運經髓陰陽表裏以起百病之源大都博而不繁
詳而有要綜核究竟變化錯伍申之用心加惠何勤哉所稱

不為良宰相其次或明醫吾儒作用處得于是編稍窺一斑
矣然是豈足以竟申之也申之所求于世也廉所冀于天也
貪天之彭殤自有定數貪天之數以全活一世必不得之理
必可得之心農黃生萬世有加于心術乎哉無夢園遺集

朱氏濟世靈樞

未見

曹于汴序曰宗候東壁公既以醫聲於時全活無量厥誠一
復續其傳有抱病望拯者晰若洞垣余及家人輩或失調攝
延之治療刻期奏効以所著濟世靈樞觀余悉醫道肯綮將
以公之世躋萬方壽域也念不忘世世期於濟此學道有

得匪僅僅攻醫術者比蓋其學直探大本是以宇宙同視也
學局皮膚者雖亦斤斤而潛伏令念不自覺知學徹神髓藩
藩乃破疾痛相關矣又嘗慕前人既効之方成帙曰肘后秘
方既以世何以云秘前人之鄭重而秘藏者也何秘乎遇則
傳不遇則不傳也遇而得言言濟世之寶不遇而傳輕則耳
畔之飄風甚則明珠之投暗矣吁此所以遇合之難而世之
罕睹其濟也仰節堂集

肘後秘方

未見

王氏

文謨

醫學鉤玄

未見

碎金方

三卷

存

引曰竊聞千方易得一効難求余廼留心斯道蓋歷多霜因
見近代刻古方盡藏倖多是藥品不全等分不一炮制未弗
精咸失古方之本旨安足望其起死回生哉予寔憂之恒患
豚兒不知仁術之玄微以訛傳訛云不悞人予弗信也故述
吾祖杏林翁秘傳之方及吾父雲泉翁經驗之藥并予嘗取
効之術及聞江湖道中玄妙之劑莫不剽金置幣向求之以

助吾兒得成濟世之道於中湯丸散未藥藥合宜考方中節真
世不傳之方實為鎮家之寶近叨南岳吳君大參將醫學
鈞玄已鏤行矣復蒙台雲鄭使君請予碎金方重刻附餘於
鈞玄之次以公天下豈不盡善盡美矣俛而思之此方寔費
千金而得惟冀同道養生君子宜寶惜之莫作尋常經視同
施利之恩各盡孝慈之道是吾意也外附各色神仙妙術巧
妙奇方另附于末以助海內英豪之一覽耳俾臨事不敢眩
惑豈不懷區區之一助云萬曆癸巳季秋之月江右建之野
人繼周王文謨謹序

李氏批醫學入門

醫藏目錄九卷

按九當作八

存

自序曰容有窺竈牖而誚之曰子值離索之失而考諸素問
玄語知本者歟曰本身也枝葉子姓雲仍也欲枝實繁茂而
不先培其本智乎身病多矣遍百藥而不竟痊必所嘗湯液
而猶未達其所以條爾閉戶四禩寓目古今方論倫其要括
其詞發其隱而類編之分註之令人可讀而悟於心臨證應
手而不苦於扞肱沈潛之下因以洞察纖病曲全生意於霜
雪之餘正以祈三春之敷榮也不然以司馬氏之通鑑而猶
自謂狂却精神某曷人斯而敢擅甄自成哉客曰然第世人

血脈同而受病異或因稟受或因染襲知大黃可以導滯而不知其寒中知附子可以補虛而不知其遺毒子能一一救諸曰志也未能敢不眩藥諸心身以立萬世之本而後謀諸仁人也客曰勗之萬曆乙亥仲春上丁日南豐李樾述

程氏式醫鼓

八卷

存

建昌府志曰程式字心源南城人名醫著有程氏醫鼓研究素問次及難經脈訣洎張劉李朱四氏之書故診治適宜又搜其喫緊者著之編帙俾學者識經絡明病機若登軒岐之

堂入盧王之室踵張劉李朱之門而相質證焉

徐氏紳百代醫宗

醫藏目錄作龔雲林記

十卷

存

閔氏道揚醫指如宜方

醫藏目錄四卷

未見

醫學集要

醫藏目錄五卷

存

謝氏毓秀回生達寶

八卷

存

自序畧曰余家祖世儒醫有樵陽子李君嵐溪榮者又余家之外祖也深明乎醫理活人以萬計嘗述紺珠經一書又自著二難寶鑑一編以通濟乎萬世傳聞廣覽雖見諸家之書徒虛設而無章而罔裨于用乃一日慨然嘆曰醫書多皆無用也欲採其精要集百試百效之方彙爲一編以作傳家之寶既而不果以終余既襲祖術又授業于嵐溪公之門何可以不繼其志故輒自暇日以口傳心授之源及余心領神悟

之真得以錄之又懇求萃亭君校正仰止君增論之其書亦明矣夫傷寒之證原集諸書皆列風爲首而余獨以寒爲長者豈好異哉蓋風證雖爲百病之原而人亦知其爲百病之始其能治者亦有之至于傷寒之證多者不識而輕視之而不知傷寒心甚于風也此證不明則得病之初不能詳其受病之源所傳之經而妄其劑以至變生諸證促人之生能療是病者無一二焉余家深知乎此故諄諄然列爲首篇以爲醫家之指南也合謀梓之客有覽是書者謂余曰翁之書其至要矣乎脈理詳明舉人之所不能悟者見翁之書而皆知診乎脈方論截然舉諸書之茫然無補者見翁之書而皆識

病源以投之劑且其痘疹一篇極順逆險之三圖而人皆能究極之慮痘疹不至失治抑亦不至為庸醫矣且夫醫者以濟世為心書在天下是即濟乎天下也書在萬世是即濟乎萬世也翁之惠澤其溥矣哉翁之陰德其在子若孫哉誠仲景後之一人哉因題其標曰回生達寶余曰不佞之書不敢謂如君之言但一念不自吝之心推之以濟世活人可是表也后之杏林君子苟能執是而治病焉亦未必無小補云

孫氏一奎 赤水玄珠

三十六卷

國史經籍志作十一卷醫藏目錄作二十二卷

存



自序曰先文學以儒術起家廼七尺孱弱始受易為諸生攻刑統過苦又屢上棘圓罷歸不無怏怏體罷憊而弱益甚余甫垂髻日侍啗畢見之輒隱心焉問嘗自念昔人有言事親者不可不知醫何得究竟秘奧俾保和吾親無恙乎然之猶呻吟帖括未已也此稍長先文學令視伯兄賈之括蒼道遠異教家有仙仙也者指余曰孺子何為者乃恂恂若爾吾懷秘密久矣遇而後傳吾歷觀人間世無如孺子可授若能受而讀吾方可以衛生可以澤物所就匪直一午一足烈矣何必匆匆奔走齷齪籌計為哉余曰幸甚君之禁方宣能如陽慶公所傳五色奇咳之術余小子事親有所藉乎矣及受讀

而解驗之果有槩於中而多奇中因趣裝歸海陽語先文學以故且告之欲舍業而事方術先文學治治喜曰醫何不可爲也良醫濟施與良相同博比衆又何論良賈第異人所授精良矣顧拘局而不通治脫非心融機變則其方泥而難用夫飲水者必窮其源軒岐遺經非方術家之崑崙乎而張仲景以下諸家皆崑崙所達支奪也彼習業者專則精不專則雜稟心者一則恒不一則間飛衛之貫虱也尙儻之承蜩也專一故也小子第勉之迺發軒岐遺書以及諸大家載籍下惟誦讀口玩心惟無間寒暑可三年所私心又謂索居而關觀孰與廣詢而遠跡見方今明盛多賢宇宙寥濶四海九州之

士持昭曠而晰成法者詎無其人余何卑卑以丘里自隘也於是自新都游彭蠡歷廬浮沅湘探真秦淮釣奇於越卒之淹跡三吳烏所歷之地遇明達而折伏其前與之譚支煩闡橫之秘叩下遂上筆之旨辯陽入陰入之殊闡經絡和代之異與夫鏡石橋引案杓毒扇之法今三十年于茲矣惟耳目漸廣故得於心者津津漸融即未能爲人治病決死生多驗或庶幾診視鮮戾投劑靡乖履夙心而遂生平永親筆而登大壑矣惟是三吳諸名公遂信全有知也忘分下文筆爲延致全又懼時過苦難因來餘暇采先哲之名言出已試之鄙見積以歲年纂輯成帙上之期無負先文學之訓次之希免偏

閱之勞下之爲爲子姓守業者立法程焉非以此而希聞也。迺有客請余集而付剞劂夫以名家稱者林林而著作之盈充棟^棟余何必置一林鄧林間哉。客曰。梗楠豫章櫟社之樹皆木也。良與賤之分有目者能辨之。君有國工能而自秘其術。何示人不廣也。余曰。不佞固非梗楠豫章之良。散木之賤亦非甘心。如客言當置之市肆以族工師運斤焉。是所願也。敢自矜蔽帚而秘之乎。若曰懸書國門以市譽非予所敢。曰。庫全書提要曰。赤水玄珠三十卷。明孫一奎撰。一奎字文垣。號東宿。又號生王子。休寧人是。編分門七十。每門又各條分。縷析如風門。則有傷風。真中風。類中風。瘧症之別。寒門。則

有中寒。惡寒之殊。大旨專以明證爲主。故於寒熱虛實表裏氣血八者。諄諄致意。其辨古今病證名稱相混之處。尤爲明晰。惟第十卷。怯損勞瘵門。附方外還丹。專講以人補人採煉之法。殊非正道。蓋一奎以醫術遊公卿間。不免以是投其所好。遂爲全書之大瑕。是足惜耳。原本卷末附醫旨餘緒二卷。醫案五卷。今則自爲帙。焦氏經籍志載孫一奎赤水玄珠十卷。醫旨緒餘二卷。而不及醫案。或所見非全本歟。

醫旨緒餘

四卷

國史經籍志作二卷

存

四庫全書提要曰醫旨緒餘二卷明孫一奎撰大旨發明大極陰陽五行之理備於心身分別藏府形質手足經上下宗氣衛氣榮氣三焦包絡命門相火及各經絡配合之義又引黃庭經以證丹溪相火屬右腎之非引脈訣刊誤以駁三因方三焦有形如脂膜之謬分噎膈翻胃為二證辨癩狂癩之異治皆卓然有特識其議論諸家長短謂仲景不徒以傷寒擅名守真不獨以治火要譽戴人不當以攻擊蒙譏東垣不專以內傷奏績陽有餘陰不足之論不可以訾丹溪而櫻寧生之技亦可竝堊不朽尤千古持平之論云

孫氏醫案

九卷

存

四庫全書提要曰孫氏醫案五卷明孫泰來孫朋來同編二人皆休寧孫一奎之子是編即所輯一奎醫案也凡三吳治驗二卷新都治驗二卷宜興治驗一卷不分證而分地蓋以治之先後為次一奎深究醫理其議論多見於赤水玄珠醫旨餘緒皆已著錄是編宗旨其載二書之中且旁文多於立論亦為尺漫蓋大意主於標榜醫名而不主於發揮醫理也

吳氏唯真家抄濟世良方

七卷

存

世本氏雲龍士林餘業

醫藏目錄六卷

存

李登序畧曰始余講業里中同門葉以潛氏來自盱江斷斷如也予自以為文學嗣知其善治人病輒應手瘥則目以為良醫人之視余一編曰士林餘業乃知以潛儒而醫醫而儒也以潛氏從學于明德羅夫子之門既講於同仁之學而餘業所擅之恐人不良於醫舉千百家而撮其要經之以岐黃紀之以劉張李朱四子而雜采諸家之精義以成其書僅成

六卷繁而不炫簡而不漏雖踈於醫學如愚者可使進於知醫而首揭三條尤示人治心之本君蓋因學以明醫雖謂之藉醫以明學亦可也

王氏肯堂醫論

明志四卷

未見

證治準繩

醫藏目錄八卷

存

自序曰余髮始燥則聞長老道說范文正公未達時禱于神

以不得爲良相願爲良醫因歎古君子之存心濟物如此其
切也當是顓蒙無所知顧讀岐黃家言輒心開意解若有夙
契者嘉靖丙寅母病陷危常潤名醫延致殆徧言人人殊罕
得要領心甚陋之於是銳意學醫既起亡妹于垂死漸爲人知
延診求方戶履恒滿先君以爲妨廢舉業常嚴戒之遂不復
窮究無何舉于鄉又十年成進士選讀中秘書備員史館凡
四年請急歸旋被口語終已不振因伏自念受聖主作養厚
恩見謂儲相材雖萬萬不敢望文正公然其志不敢不立而其
具不敢不勉以庶幾無負父師之教而今已矣定省之餘頗
多暇日乃復取岐黃家言而肆力焉二親篤老善病即醫非

素習固將學之而况乎輕車熟路也於是聞見日益廣而統
日益精鄉曲有抱沈痾醫技告窮者叩閭求方亡弗立應未
嘗敢萌厭心所全活者稍稍衆矣而又念所濟僅止一方孰
若著爲書傳之天下萬世耶偶嘉善高生隱從余遊因遂採
取古今方論參以鄙見而命高主次第錄之遂先成雜病論
與方各八巨表高生請名全命之曰證治準繩高生曰何謂
也余曰醫有五科七事曰脈曰因曰病曰證曰治爲五科因
復分爲三曰內曰外曰亦內亦外并四科爲七事如陰陽俱
緊而浮脈也傷寒因也太陽病也頭痛發熱身痛惡寒無汗
證也麻黃湯治也派折支分毫不容濫而時師皆失之不死

者幸而免耳自陳無擇始發明之而其爲三因極一方復語
烏不詳李仲南爲永類鈔方枝分派析詳矣而入理不精比
附未確此書之所以作也曰五科皆備烏而獨名證治何也
曰以言證治獨詳故也是書出而不知醫不能脈者因證檢
書而得治法故也雖然大匠之所取卒與直者準繩也其能
用準繩者心目明也倘守死句而求活人以準繩爲心目則
是書之刻且誤天下萬世而余之罪大矣家貧無賞假貸爲
之不能就其半會侍御周鶴陽公以按鹺行縣至金壇聞而
助成之遂行于世時萬曆三十年歲次壬寅夏五月朔旦念
西居士王肯堂字泰識

四庫全書提要曰證治準繩一百二十卷明王肯堂撰是編
據肯堂自序稱先撰證治準繩八冊皆成於丁酉戊戌間其
書林披繁富而參驗脈證辨別異同條理分明具有端委故
博而不雜詳而有要於寒溫攻補無所偏主視繆希雍之餘
派虛實不問但談石膏之功張介賓之末流診候未施先定
人參之見者亦爲能得其平其諸傷門內附載傳尸勞諸蟲
之形雖以涉乎語怪然觀北齊徐之才以死人枕療鬼痊則
專門授受當有所傳未可概疑以荒誕也其傷寒準繩八冊
瘍醫準繩六冊則成於甲辰幼科準繩九冊女科準繩五冊
則成於丁未皆以補前書所未備故仍以證治準繩爲總名

惟其方皆附各證之下，與雜證體例稍殊耳。史稱育堂好讀書，尤精於醫，所著證治準繩，該博精詳，世競傳之。其所著鬱因齋筆塵論方藥者十之三四，蓋於茲一藝用力至深，宜其為醫家至臬矣。

證治準繩類方

八冊

存

醫鏡

四卷

存

蔣儀九例曰：字泰先生發明醫理，著述行世，式從已久，門下訂疑問難，益多其徒，但理學淵微，卷帙浩森，學者苦無津梁。先生予示此編，指其大要，令一披覽而曉然於辨證用藥，真昭徹如鏡，遂以醫鏡名編。一是編原本，余得之茂苑張玄暎，玄暎得之字泰先生，授受益不輕矣。往余與玄暎讀書，余率掇管之餘，漫加輯訂，爰付梨棗，懸諸國門。凡我同人，寶茲囊秘。

葉氏廷器世醫通變

醫藏目錄二卷

未見

亡名氏曠南已試方

醫藏目錄四卷

未見

萬氏闕名續驗方

醫藏目錄 卷

未見

袁氏靜菴救民易方

醫藏目錄 卷

未見

畢氏似范良方

醫藏目錄一卷

未見

亡名氏醫方摘要

醫藏目錄一卷

未見

藥監春意

醫藏目錄六卷

未見

葉氏南山醫靈捷要

醫藏目錄一卷

未見

醫籍考卷六十

山上道順寫

